



Na osnovu člana 56. Zakona o organizaciji organa uprave u Federaciji BiH ("Službene novine Federacije BiH", broj: 35/05), člana 51. Zakona o izvršenju Budžeta Bosansko-podrinjskog kantona Goražde za 2024. godinu („Službene novine Bosansko-podrinjskog kantona Goražde“, broj: 16/23) i člana 5. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24-ispravka i 4/24), a u skladu sa Programom utroška sredstava sa ekonomskog koda 614 200 «Tekući transferi pojedincima» na koji je Vlada Bosansko-podrinjskog kantona Goražde dala saglasnost Odlukom broj: 03-11-1114/24 od 16.05.2024.godine, Ministarstvo za boračka pitanja Bosansko-podrinjskog kantona Goražde **r a s p i s u j e**:

## **JAVNI POZIV**

za podnošenje zahtjeva za ostvarivanje određenih prava  
branilaca i članova njihovih porodica u 2024.godini  
utvrđenih Zakonom o dopunskim pravima branilaca i članova njihovih porodica  
u Bosansko-podrinjskom kantonu Goražde

### **I PREDMET JAVNOG POZIVA**

Predmet javnog poziva je finansiranje dopunskih prava branilaca i članova njihovih porodica utvrđenih Zakonom o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine BPK Goražde“, broj: 2/24, 3/24-ispravka i 4/24, u daljem tekstu: Zakon), u skladu sa raspoloživim sredstvima obezbjeđenim u Budžetu Ministarstva za boračka pitanja Bosansko-podrinjskog kantona Goražde za 2024.godinu sa ekonomskog koda 614 200 – „Tekući transferi pojedincima“ (u daljem tekstu: Program) i to:

1. Zdravstvena zaštita;
2. Jednokratna novčana pomoć za liječenje branilaca i članova njihovih porodica;
3. Banjsko i klimatsko liječenje;
4. Naknada putnih troškova i troškova za liječenje u inozemstvu;
5. Participacija troškova za nabavku lijekova koji nisu na esencijalnoj listi;
6. Medicinsko vještačenje zdravstvenog stanja pripadnika b/p;
7. Pravo na participaciju troškova za priključak na infrastrukturne mreže (voda, električna energija i kanalizacija);
8. Naknada troškova (poreza) za promet nepokretnosti za djecu bez oba roditelja i RVI 100% I grupe;
9. Participacija troškova naknade za dodijeljeno građevinsko zemljište na korištenje i naknade za uređenje gradskog građevinskog zemljišta;
10. Smještaj u penzionerske domove i gerontološke centre;
11. Besplatna i povlaštena vožnja;
12. Participacija troškova dženaze-sahrane;
13. Podizanje nišana - nadgrobnih spomenika i spomen obilježja;
14. Jednokratna novčanu pomoć za socijalne i druge potrebe branilaca;
15. Posebna prava dobitnika ratnih priznanja i odlikovanja i
16. Novčana egzistencijalna naknada.

**Radi ostvarivanja ostalih prava branilaca i članova njihovih porodica utvrđenih Zakonom, nakon obezbjeđenja preduslova, raspisati će se posebni javni pozivi od strane Ministarstva za boračka pitanja Bosansko-podrinjskog kantona Goražde odnosno organa nadležnih za implementaciju pojedinih prava.**

## II PRAVO UČEŠĆA

Na javni poziv, zahtjeve mogu podnositi lica iz člana 1. i 2. Zakona i to: članovi porodice šehida, poginulog, umrlog, nestalog branioca i umrlog ratnog vojnog invalida, ratni vojni invalidi i članovi njihovih porodica, dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja, demobilizirani branioци i članovi porodica umrlih demobiliziranih branilaca, dobrovoljaci, organizatori otpora, veterani i ratni vojni zarobljenici sa područja Bosansko-podrinjskog kantona Goražde i susjednih opština u RS, koji ispunjavaju propisane uslove.

## III PODNOŠENJE ZAHTJEVA

Za priznavanje i ostvarivanje prava navedenih u poglavlju I javnog poziva pod rednim brojem: 1, 3, 6, 9, 11, 12. i 16. **zahtjevi se podnose gradskoj/općinskoj službi za boračko-invalidsku zaštitu** prema mjestu prebivališta podnosioca zahtjeva. Obrasci zahtjeva za ostvarivanje ovih prava mogu se preuzeti u prostorijama gradske/općinskih službi za boračko invalidsku zaštitu.

Za priznavanje i ostvarivanje prava navedenih u poglavlju I javnog poziva pod rednim brojem: 2, 4, 5, 7, 8, 10, 13, 14. i 15. **zahtjevi se se podnose Ministarstvu za boračka pitanja Bosansko-podrinjskog kantona Goražde** putem pošte na adresu Prve slavne višegradske brigade broj 2a, 73000 Goražde, ili direktno predaju na pisarnicu Kantona tokom radnih dana u periodu od 08<sup>00</sup> - 16<sup>00</sup> sati. Obrasci zahtjeva za ostvarivanje ovih prava mogu se preuzeti na službenoj web stranici ili u prostorijama Ministarstva za boračka pitanja Bosansko-podrinjskog kantona Goražde.

## IV ROK ZA PODNOŠENJE ZAHTJEVA

Zahtjevi za priznavanje i ostvarivanje prava navedenih u poglavlju I javnog poziva pod rednim brojem: 2, 4, 5, 7, 9, 14 se podnose na propisanom obrascu najkasnije do 30. novembra tekuće godine, a zahtjevi za priznavanje i ostvarivanje prava navedenih u poglavlju I javnog poziva pod rednim brojem: 1, 3, 6, 8, 10, 11, 13, 15, 16. i 17. se podnose na propisanom obrascu **kontinuirano tokom godine, odnosno do utroška raspoloživih sredstava utvrđenih Programom**, dok zahtjevi za priznavanje i ostvarivanje prava na participaciju troškova dženaze/sahrane se podnose nakon objavljivanja javnog poziva, a najkasnije u roku jedne godine u odnosu na datum smrti pripadnika boračke populacije.

## V USLOVI I NAČIN OSTVARIVANJA PRAVA

Uslovi, način i postupak ostvarivanja prava navedenih u u poglavlju I javnog poziva utvrđeni su odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade Bosansko-podrinjskog kantona Goražde, od strane Ministra za boračka pitanja. Isti se mogu preuzeti na web stranici Ministarstva.

Broj: 11-11-722/24  
Goražde, 21.05.2024.godine

